



Inatsisartunut ilaasortaq Mariane Paviasen, Inuit Ataqtigiit

E-mailikut nassiunneqarpoq uunga inatsisartut@ina.alla.gl

Kuannersuarni Greenland Minerals A/S-ip suliassaani royalty-nit aamma akileraarutinit isertitassat pillugit § 37 naapertorlugu apeqquteqaammut nr. 19-2021-mut akissut

15. februar 2021
Suliap nr. 2021 - 3130

Postboks 930
3900 Nuuk
Tlf. (+299) 34 68 00
Fax (+299) 43 02
E-mail: asn@nanoq.gl
www.naalakkersuisut.gl

Kuannersuarni Greenland Minerals A/S-ip suliassaani royalty-nit aamma akileraarutinit isertitassat pillugit Inatsisartut suleriaasianni § 37, imm. 1 naapertorlugu apeqquteqaatit matuma kinguliani allassimasut Naalakkersuisunut saqqummiuppatit, taakkualu matumani akissuteqarfigineqarput. Apeqqutit akissuteqarfiginissaannut Greenland Minerals A/S-imit ilassutissanik piniartoqarpoq.

- 1. Kalaallit Nunaata siunissami isertikkumaagai GML-ip (Greenland Minerals Limited) VSB-mik (inuiaqatigiinnut piujuaannartitsineq pillugu nalilersuineq) nalunaarusiamini takutitai, qanoq toqqammaveqarluni naatsorsorneqarsimanerat Naalakkersuisut pissarsiaarat.**

Akissut: Royalty-nit akileraarutinillu isertitassanut naatsorsuinernut tunngavissat Inuiaqatigiinni piujuartussamik iluaqutaasumik sunniutaasussanik nalilersuinermi immikkoortoq 7.2.3.2-imi allassimasut Naalakkersuisut tiguaat.

Royalty-nit akileraarutinillu isertitassat Greenland Minerals A/S-ip missingersugai, Naalakkersuisunit uppersineqanngitsut, Inuiaqatigiinni piujuartussamik iluaqutaasumik sunniutaasussanik nalilersuinermi takutinneqarput.

- 2. Kuannersuarnut VSB-mut nalunaarummi akileraarusiissutissatut naatsorsugaq toqqammavisoq takusinnaavara (imm 7.2.3.2)?**

Akissut: Paasissutissat kissaatigineqartut nipangiussimasussaatitaanermi pineqartunut ilaatinneqarpata, Inatsisartut Naalakkersuisullu pillugit Inatsisartut inatsisaanni § 12, imm. 1 malillugu apeqqutit akissuteqarfiginissaannut, Inatsisartut Naalakkersuisullu pillugit

Inatsisartut inatsisaanni § 12, imm. 2, nr. 3 malillugu Naalakkersuisut pisussaaffeqanngillat.

Paasissutissat ujartorneqartut inuussutissarsiornermi isertugaatinik pisinnaatitsissummik pigisaqartumut matumani pineqartumut annertuumik aningaasaqarnikkut pingaaruteqartunik imaqarmata, tamatumunnga takuuk pisortat ingerlatsineranni suliassat suliarineqartarnerat pillugu Inatsisartut inatsisaat nr. 8., 13. juni 1994-imeersumi § 27, imm. 1, nr. 6, taamaalillunilu nipangiussisimasussaataaermermi pineqartunut ilaallutik, Naalakkersuisut taamaattunik tigummiaraqsimappata, Naalakkersuisut paasissutissat ujartorneqartut tunniussinnaanngilaat.

3. Sooq suliffeqarfiup uranimut tunngasoq royalty kisiat naatsorsorpaa, aatsitassallu allat ilanngunnagit?

Akissut: Greenland Minerals A/S makkuninnga paasissutissiivoq: "*Urani akuersissummi pineqartunut ilaatinneqalermalli, uranimut royalty-nik akiliisoqarnissaa, pilersaarusiordernermi tunngavissaatinneqarpoq.*

Royalty-mut procentinngorlugu akigititassap 5 %-unissaa naatsorsuutigalugu missiliorneqarpoq piffissami suliassap atuuffissaani uranimut royalty-nut akiliutit tamarmiusut akigititani ingerlaavartuni 1,1 mia. koruuninik annertussuseqassasut, agguaqatigiissillugu ukiumut royalty-nut akiliutit 30 mio. koruunit missaanniissallutik.

Piiaanissamut akuersissummi aalajangersarneqarpat, assersuutigalugu aatsitassanut qaqutigoortunut aamma / imaluunniit zinkimut royalty-nik akiliisoqartassasooq, annertunerusunik piumasarineqartunik royalty-nut akiliuteqarnissaaq takussutissaqalersinniarlugu royalty-nut naatsorsuinerit taamaaqataanik iluarsineqassapput."

4. Suliffeqarfik taamaallaat uranimut royaltymik akiliissasooq tamanna isumaqarpa?

Akissut: Greenland Minerals A/S aatsitassarsiorluni misissuinissamut akuersissut pigisartik naapertorlugu aatsitassanut tamaginnut royalty-nik akiliinissamut pisussaaffeqarput, takukkit Kalaallit Nunaanni aatsitassat (ikummatissiasat ilaanatik) pillugit aatsitassarsiorluni misissuinissamut pisussaaffinnut atugassarititaasut nalinginnaasut 16. november 1998-imeersut, tapiliussaq nr. 3, 1. juli 2014-imeersooq ilanngussartaqartoq.

Aatsitassanut qaqutigoortunut aammalu ilaatigut zinkinut royalty-nut ilusiliani ilanngaasiinissamut periarfissaqarnera pissutigalugu Greenland Minerals A/S pisuni aalajangersimasuni royalty-mut taarsiullugu, ingerlatseqatigiiffiup akileraarutaanik aamma/imaluunniit iluanaarutinit akileraarummik akiliinissamut pisussaaffeqartussaavoq.

Aalajangersakkat inaarutaasut piiaanissamut akuersissummi aalajangersarneqartussaapput.

5. Suliffeqarfik aatsaat sinneqartooruteqaleruni royaltymut akiliissasoq ilumoorpa?

Akissut: Greenland Minerals A/S-ip royalty-nut pisussaaffeqarnera aatsitassanik tunisinerup pinerani aallartittussaapput, sinneqartooruteqarnermiunngitsaq.

Aalajangersakkat inaarutaasut piiaanissamut akuersissummi aalajangersarneqartussaapput.

6. Naalakkersuisut ersarissarsinnaavaat aatitassat suut akitsuusersugaassanersut?

Akissut: Greenland Minerals A/S aatsitassarsiorluni misissuinissamut akuersissut pigisartik naapertorlugu aatsitassanut tamaginnut royalty-nik akiliinissamut pisussaaffeqarpoq, takukkit Kalaallit Nunaanni aatsitassat (ikummatissiassat ilaanatik) pillugit aatsitassarsiorluni misissuinissamut pisussaaffinnut atugassarititaasut nalinginnaasut 16. november 1998-imeersut, tapiliussaq nr. 3, 1. juli 2014-imeersaq ilanngussartaqartoq.

7. Naalakkersuisut qanoq ilillutik qulakkeerniarpaat aatitassat assigiinngitsut akitsuutaat immikkoortitaarlugit nakkutigineqassanersut?

Akissut: Pisinnaatitsissummik pigisaqartup ukiumoortumik royalty-nut naatsorsuutit kukkunersuiusumit atsiorsimasunik tunniussinissaa piiaanissamut akuersissummi piumasaqaatigineqartarpoq. Royalty-nut naatsorsuutit Naalakkersuisunit nalilersorneqartarput, taakkua avataaneersunik immikkut ilisimasalinnik akuutitsinissaq qinersinnaallugu. Naalakkersuisut pisinnaatitsissummik pigisaqartup naatsorsugaanit pisussaaffilerneqanngillat.

Aalajangersakkat inaarutaasut piaanissamut akuersissummi
aalajangersarneqartussaapput.

Inussiarnersumik inuulluaqqusillunga

Vittus Qujaukitsoq
Vittus Qujaukitsoq